

(चतुर्थोऽध्यायः ॥ वर्गाः 1-54)

(33)

46

(म.8, अनु.6)

ऋषिः वशः अश्व्यः छन्दः पादनिचृत् गायत्री 1, गायत्री 2-4,6,10,23,29,33, ककुप् 5, बृहती 7,11,19,
25,27, अनुष्टुप् 8, सतोबृहती 9,26,28, विपरीता सतोबृहती 12, द्विपदा जगती 13, बृहती
पिपीलिकमध्या 14, ककुपन्त्यंकुशिरा 15, विराट् 16, जगती 17, उपरिष्ठाद्बृहती 18, विषमपदा बृहती 20,
पङ्क्तिः 21,24,32, संस्तारपङ्क्तिः 22, द्विपदा विराट् 30, उष्णिक् 31 देवता इन्द्रः 1-20,29-31,33,
कानीतः पृथुश्रवाः 21-24, वायुः 25-28,32

त्वावतः पुरुवसो वृयमिन्द्र प्रणेतः । स्मसिं स्थातर्हरीणाम् ॥ 1 ॥
त्वां हि सत्यमद्रिवो विद्म दातारमिषाम् । विद्म दातारं रयीणाम् ॥ 2 ॥
आ यस्य ते महिमानं शतमूते शतक्रतो । गीर्भिर्गृणन्ति कारवः ॥ 3 ॥
सुनीथो घा स मर्त्यो यं मरुतो यमर्यमा । मित्रः पान्त्यद्रुहः ॥ 4 ॥
दधानो गोमदश्ववत्सुवीर्यमादित्यजूत एधते । सदा राया पुरुस्पृहा ॥ 5 ॥
तमिन्द्रं दानमीमहे शवसानमभीर्वम् । ईशानं राय ईमहे ॥ 6 ॥
तस्मिन्हि सन्त्यूतयो विश्वा अभीरवः सचा । ॥ 7 ॥
तमा वहन्तु सप्तयः पुरुवसुं मदाय हरयः सुतम् ॥ 7 ॥
यस्ते मद्रो वरेण्यो य इन्द्र वृत्रहन्तमः । ॥ 8 ॥
य आददिः स्वर्नृभिर्यः पृतनासु दुष्टरः ॥ 8 ॥
यो दुष्टरो विश्ववार श्रवाय्यो वाजेष्वस्ति तरुता । ॥ 9 ॥
स नः शविष्ठ सवना वसो गहि गुमेम् गोमति व्रजे ॥ 9 ॥
गव्यो षु णो यथा पुराश्वयोत रथया । वरिवस्य महामह ॥ 10 ॥
नुहि ते शूर राधसोऽन्तं विन्दामि सत्रा । ॥ 10 ॥
दशस्या नो मघवन्नू चिदद्रिवो धियो वाजेभिराविथ ॥ 11 ॥
य ऋष्वः श्राव्यत्सखा विश्वेत्स वैदुर्जनिमा पुरुष्टुतः । ॥ 11 ॥
तं विश्वे मानुषा युगेन्द्रं हवन्ते तविषं यतसृचः ॥ 12 ॥
स नो वाजेष्वविता पुरुवसुः पुरःस्थाता मघवा वृत्रहा भुवत् ॥ 13 ॥
अभि वो वीरमन्धसो मदैषु गाय गिरा महा विचेतसम् । इन्द्रं नाम श्रुत्यं शाकिनं वचो यथा ॥ 14 ॥
ददी रेक्णास्तन्वे ददिर्वसुं ददिर्वाजेषु पुरुहूत वाजिनम् । नूनमथ ॥ 15 ॥
विश्वेषामिरज्यन्तं वसूनां सास्र्वांसं चिदुस्य वर्षसः । कृपयतो नूनमत्यथ ॥ 16 ॥
महः सु वो अरमिषे स्तवामहे मीळ्हुषे अरंगमायु जग्मये । ॥ 16 ॥
यज्ञेभिर्गीर्भिर्विश्वमनुषां मरुतामियक्षसि गायं त्वा नमसा गिरा ॥ 17 ॥
ये पातयन्ते अज्मभिर्गिरीणां स्त्रुभिरेषाम् । यज्ञं महिष्वणीनां सुप्रं तुविष्वणीनां प्राध्वरे ॥ 18 ॥
प्रभुङ्गं दुर्मतीनामिन्द्रं शविष्ठा भर । रयिम्स्मभ्यं युज्यं चोदयन्मते ज्येष्ठं चोदयन्मते ॥ 19 ॥
सनितः सुसनितरुग्र चित्र चेतिष्ठ सूनृत । प्रासहा सम्राट् सहृरिं सहन्तं भुज्युं वाजेषु पूर्व्यम् ॥ 20 ॥

अ स एतु य ईव्दाँ अदैवः पूर्तमादुदे	
यथा चिद्वशो अश्व्यः पृथुश्रवसि कानीतेऽस्या व्युष्यादुदे	॥ 21 ॥
षष्टिं सहस्राश्व्यस्यायुतासनमुष्ट्रानां विंशतिं शता	
दश श्यावीनां शता दश त्र्यरुषीणां दश गवां सहस्रा	॥ 22 ॥
दश श्यावा ऋधद्रयो वीतवारास आशवः । मश्रा नेमिं नि वावृतुः	॥ 23 ॥
दानासः पृथुश्रवसः कानीतस्य सुरार्धसः	
रथं हिरण्ययं ददन्मंहिष्ठः सूरिरभूद्वर्षिष्ठमकृत् श्रवः	॥ 24 ॥
आ नो वायो महे तने याहि मखाय पाजसे	
वयं हि ते चकृमा भूरि दावने सद्यश्चिन्महि दावने	॥ 25 ॥
यो अश्वेभिर्वहते वस्त उस्त्रास्त्रिः सप्त सप्ततीनाम्	
एभिः सोमेभिः सोमसुद्धिः सोमपा दानाय शुक्रपूतपाः	॥ 26 ॥
यो म इमं चिदु त्मनामन्दच्चित्रं दावने । अरद्वे अक्षे नहुषे सुकृत्वनि सुकृत्तराय सुकृतुः	॥ 27 ॥
उच्यथेऽ वपुषि यः स्वराळुत वायो घृतस्त्राः	
अश्वेषितं रजेषितं शुनेषितं प्राज्म तदिदं नु तत्	॥ 28 ॥
अर्धं प्रियमिषिराय षष्टिं सहस्रासनम् । अश्वानामिन्न वृष्णाम्	॥ 29 ॥
गावो न यूथमुप यन्ति वध्रय उप मा यन्ति वध्रयः	॥ 30 ॥
अधु यच्चारथे गणे शतमुष्ट्राँ अचिक्रदत् । अधु श्विन्नेषु विंशतिं शता	॥ 31 ॥
शतं दासे बल्बूथे विप्रस्तरुक्ष आ ददे । ते ते वायविमे जना मदन्तीन्द्रगोपा मदन्ति देवगोपाः	॥ 32 ॥
अधु स्या योषणा मही प्रतीची वशमश्व्यम् । अधिरुक्त्वा वि नीयते	॥ 33 ॥

(18)

47

(म.8, अनु.6)

ऋषिः त्रितः आत्यः	छन्दः महापङ्क्तिः	देवता आदित्याः 1-13, आदित्याः उषाः च 14-18
-------------------	-------------------	--

महि वो महतामवो वरुण मित्रं दाशुषे	
यमादित्या अभि द्रुहो रक्षथा नेमघं नशदनेहसो व ऊतयः सुऊतयो व ऊतयः	॥ 1 ॥
विदा देवा अघानामादित्यासो अपाकृतिम्	
पक्षा वयो यथोपरि व्यश्स्मे शर्म यच्छतानेहसो व ऊतयः सुऊतयो व ऊतयः	॥ 2 ॥
व्यश्स्मे अधि शर्म तत्पक्षा वयो न यन्तन	
विश्वानि विश्ववेदसो वरूथ्या मनामहेऽनेहसो व ऊतयः सुऊतयो व ऊतयः	॥ 3 ॥
यस्मा अरासत् क्षयं जीवातुं च प्रचेतसः	
मनोर्विश्वस्य घेदिम आदित्या राय ईशतेऽनेहसो व ऊतयः सुऊतयो व ऊतयः	॥ 4 ॥
परि णो वृणजन्नघा दुर्गाणि रथ्यो यथा	
स्यामेदिन्द्रस्य शर्मण्यादित्यानामुतावस्यनेहसो व ऊतयः सुऊतयो व ऊतयः	॥ 5 ॥
परिहृतेदना जनो युष्मादत्तस्य वायति	
देवा अदभ्रमाश वो यमादित्या अहेतनानेहसो व ऊतयः सुऊतयो व ऊतयः	॥ 6 ॥

न तं तिग्मं च न त्यजो न द्रांसदभि तं गुरु	
यस्मा उ शर्म सप्रथ आदित्यासो अराध्वमनेहसो व ऊतयः सुऊतयो व ऊतयः	॥ 7 ॥
युष्मे देवा अपि ष्मसि युध्यन्तइव वर्मसु	
यूयं महो न एनसो यूयमर्भादुरुष्यतानेहसो व ऊतयः सुऊतयो व ऊतयः	॥ 8 ॥
अदितिर्न उरुष्यत्वदितिः शर्म यच्छतु	
माता मित्रस्य रेवतोऽर्यम्णो वरुणस्य चानेहसो व ऊतयः सुऊतयो व ऊतयः	॥ 9 ॥
यद्वैवाः शर्म शरणं यद्भद्रं यदनातुरम्	
त्रिधातु यद्वरुथ्यं १ तदस्मासु वि यन्तनानेहसो व ऊतयः सुऊतयो व ऊतयः	॥ 10 ॥
आदित्या अव हि ख्यताधि कूलादिव स्पशः	
सुतीर्थमर्वतो यथानु नो नेषथा सुगमनेहसो व ऊतयः सुऊतयो व ऊतयः	॥ 11 ॥
नेह भद्रं रक्षस्विने नाव्यै नोप्या उत	
गवै च भद्रं धेनवै वीराय च श्रवस्यतेऽनेहसो व ऊतयः सुऊतयो व ऊतयः	॥ 12 ॥
यदाविर्यदपीच्यं देवासो अस्ति दुष्कृतम्	
त्रिते तद्विश्वमाप्य आरे अस्मदधातनानेहसो व ऊतयः सुऊतयो व ऊतयः	॥ 13 ॥
यच्च गोषु दुष्प्यं यच्चास्मे दुहितर्दिवः	
त्रिताय तद्विभार्याप्याय परा वहानेहसो व ऊतयः सुऊतयो व ऊतयः	॥ 14 ॥
निष्कं वा घा कृणवते स्रजं वा दुहितर्दिवः	
त्रिते दुष्प्यं सर्वमाप्ये परि दद्मस्यनेहसो व ऊतयः सुऊतयो व ऊतयः	॥ 15 ॥
तदन्नाय तदपसे तं भागमुपसेदुषे	
त्रिताय च द्विताय चोषो दुष्प्यं वहानेहसो व ऊतयः सुऊतयो व ऊतयः	॥ 16 ॥
यथा कलां यथा शफं यथ ऋणं संनयामसि	
एवा दुष्प्यं सर्वमाप्ये सं नयामस्यनेहसो व ऊतयः सुऊतयो व ऊतयः	॥ 17 ॥
अजैष्माद्यासनाम् चाभूमानागसो व्यम्	
उषो यस्मादुष्प्यादभैष्माप तदुच्छत्वनेहसो व ऊतयः सुऊतयो व ऊतयः	॥ 18 ॥

(15)

48

(म.8, अनु.6)

ऋषिः प्रगाथः घौरः काण्वः

छन्दः त्रिष्टुप् 1-4,6-15, जगती 5

देवता सोमः

स्वादोरभक्षि वर्यसः सुमेधाः स्वाध्यो वरिवोवित्तरस्य	
विश्वे यं देवा उत मर्त्यासो मधु ब्रुवन्तो अभि संचरन्ति	॥ 1 ॥
अन्तश्च प्रागा अदितिर्भवास्यवयाता हरसो दैव्यस्य	
इन्दुविन्द्रस्य सख्यं जुषाणः श्रौष्टीव धुरमनु राय ऋध्याः	॥ 2 ॥
अपाम् सोमममृता अभूमागन्म ज्योतिरविदाम देवान्	
किं नूनमस्मान्कृणवदरातिः किमु धूर्तिरमृत मर्त्यस्य	॥ 3 ॥

शं नो भव हृद आ पीत इन्दो पितेव सोम सूनवे सुशेवः	
सखैव सख्य उरुशंसु धीरः प्र ण आयुर्जीवसे सोम तारीः	4
इमे मा पीता यशस उरुष्यवो रथं न गावः समनाह पर्वसु	
ते मा रक्षन्तु विस्रसंश्चरित्रादुत मा स्नामाद्यवयन्त्विन्दवः	5
अग्निं न मा मथितं सं दिदीपुः प्र चक्षय कृणुहि वस्यसो नः	
अथा हि ते मद आ सोम मन्ये रेवाँइव प्र चरा पुष्टिमच्छ	6
इषिरेण ते मनसा सुतस्य भक्षीमहि पितृस्येव रायः	
सोम राजन्त्र ण आयूंषि तारीरहानीव सूर्यो वासुराणि	7
सोम राजन्मृळया नः स्वस्ति तव स्मसि व्रत्यांस्तस्य विद्धि	
अलर्ति दक्ष उत मन्युरिन्दो मा नो अर्यो अनुकामं परा दाः	8
त्वं हि नस्तन्वः सोम गोपा गात्रेगात्रे निषसत्था नृचक्षाः	
यत्ते वयं प्रमिनाम व्रतानि स नो मृळ सुषुखा देव वस्यः	9
ऋदूदरेण सख्या सचेयु यो मा न रिष्येद्धर्यश्च पीतः	
अयं यः सोमो न्यधाय्यस्मे तस्मा इन्द्रं प्रतिरमेम्यायुः	10
अप त्या अस्थुरनिरा अमीवा निरत्रसन्तमिषीचीरभैषुः	
आ सोमो अस्माँ अरुहद्विहाया अगन्म यत्र प्रतिरन्त आयुः	11
यो न इन्दुः पितरो हृत्सु पीतोऽमर्त्यो मर्त्याँ आविवेश	
तस्मै सोमाय हविषा विधेम मृळीके अस्य सुमृतौ स्याम	12
त्वं सोम पितृभिः संविदानोऽनु द्यावापृथिवी आ तंतन्थ	
तस्मै त इन्दो हविषा विधेम वयं स्याम पतयो रयीणाम्	13
त्रातारो देवा अधि वोचता नो मा नो निद्रा ईशत् मोत जल्पिः	
वयं सोमस्य विश्वहं प्रियासः सुवीरांसो विदथुमा वदेम	14
त्वं नः सोम विश्वतो वयोधास्त्वं स्वर्विदा विशा नृचक्षाः	
त्वं न इन्द्र ऊतिभिः सजोषाः पाहि पश्चातादुत वा पुरस्तात्	15

| अथ वालखिल्यम् |

| अथ प्रथमं सूक्तम् |

(10)

49

(म.8, अनु.6)

ऋषिः प्रस्कण्वः काण्वः छन्दः बृहती 1,3,5,7,9, सतोबृहती 2,4,6,8,10

देवता इन्द्रः

अभि प्र वः सुरार्धसमिन्द्रमर्च यथा विदे।यो जरितृभ्यो मघवा पुरूवसुः सहस्रेणैव शिक्षति || 1 ||

शतानीकेव प्र जिगाति धृष्णुया हन्ति वृत्राणि दाशुषे |
 गिरेरिव प्र रसा अस्य पिन्विरे दत्राणि पुरुभोजसः || 2 ||
 आ त्वा सुतासु इन्दवो मदा य इन्द्र गिर्वणः। आपो न वज्रिन्नन्वोक्यं सरः पूणन्ति शूर राधसे || 3 ||
 अनेहसं प्रतरणं विवक्षणं मध्वः स्वादिष्ठमीं पिब |
 आ यथा मन्दसानः किरासि नः प्र क्षुद्रेव त्मना धृषत् || 4 ||
 आ नः स्तोममुप द्रवद्वियानो अश्वो न सोतृभिः |
 यं ते स्वधावन्तस्वदयन्ति धेनव इन्द्र कण्वेषु रातयः || 5 ||
 उग्रं न वीरं नमसोप सेदिम् विभूतिमक्षितावसुम् |
 उद्रीव वज्रिन्नवतो न सिञ्चते क्षरन्तीन्द्र धीतयः || 6 ||
 यद्ध नूनं यद्वा यज्ञे यद्वा पृथिव्यामधि । अतो नो यज्ञमाशुभिर्महेमत उग्र उग्रेभिरा गहि || 7 ||
 अजिरासो हरयो ये ते आशवो वाताइव प्रसक्षिणः |
 येभिरपत्यं मनुषः परीयसे येभिर्विश्वं स्वदृशे || 8 ||
 एतावतस्त ईमह इन्द्र सुम्रस्य गोमतः। यथा प्रावो मघवन्मेध्यातिथिं यथा नीपातिथिं धने || 9 ||
 यथा कण्वे मघवन्त्रसदस्यवि यथा पक्थे दशत्रजे |
 यथा गोशर्ये असनोऽर्हजिश्चनीन्द्र गोमद्विरण्यवत् || 10 ||

| अथ द्वितीयं सूक्तम् |

(10)

50

(म.8, अनु.6)

ऋषिः पुष्टिगुः काण्वः	छन्दः बृहती 1,3,5,7,9, सतोबृहती 2,4,6,8,10	देवता इन्द्रः
-----------------------	--	---------------

प्र सु श्रुतं सुरार्धसमर्चा शक्रमभिष्टये |
 यः सुन्वते स्तुवते काम्यं वसु सहस्रैणेव महते || 1 ||
 शतानीका हेतयो अस्य दुष्टरा इन्द्रस्य समिषो महीः |
 गिरिर्न भुज्मा मघवत्सु पिन्वते यदी सुता अमन्दिषुः || 2 ||
 यदी सुतासु इन्दवोऽभि प्रियममन्दिषुः। आपो न धायि सर्वनं म आ वसो दुघाइवोप दाशुषे || 3 ||
 अनेहसं वो हवमानमूतये मध्वः क्षरन्ति धीतयः |
 आ त्वा वसो हवमानासु इन्दव उप स्तोत्रेषु दधिरे || 4 ||
 आ नः सोमे स्वध्वर इयानो अत्यो न तौशते |
 यं ते स्वदावन्तस्वदन्ति गूर्तयः पौरे छन्दयसे हवम् || 5 ||
 प्र वीरमुग्रं विविचिं धनस्पृतं विभूतिं राधसो महः |
 उद्रीव वज्रिन्नवतो वसुत्वना सदा पीपथे दाशुषे || 6 ||
 यद्ध नूनं परावति यद्वा पृथिव्यां दिवि । युजान इन्द्र हरिभिर्महेमत ऋष्व ऋष्वेभिरा गहि || 7 ||
 रथिरासो हरयो ये ते अस्त्रिधु ओजो वारतस्य पिप्रति |
 येभिर्नि दस्युं मनुषो निघोषयो येभिः स्वः परीयसे || 8 ||
 एतावतस्ते वसो विद्याम शूर नव्यसः । यथा प्राव एतशं कृत्व्ये धने यथा वशं दशत्रजे || 9 ||
 यथा कण्वे मघवन्मेधे अध्वरे दीर्घनीथे दमूनसि |
 यथा गोशर्ये असिषासो अद्रिवो मयि गोत्रं हरिश्रियम् || 10 ||

ऋषिः श्रुष्टिगुः काण्वः छन्दः बृहती 1,3,5,7,9, सतोबृहती 2,4,6,8,10 देवता इन्द्रः

यथा मनौ सांवरणौ सोममिन्द्रार्पिबः सुतम् |
नीपातिथौ मघवन्मेध्यातिथौ पुष्टिगौ श्रुष्टिगौ सचा || 1 ||
पार्षद्वाणः प्रस्कण्वं समसादयच्छयानं जित्रिमुद्धितम् |
सहस्राण्यसिषासद्भवामृषिस्त्वोतो दस्यवे वृकः || 2 ||
य उक्थेभिर्न विन्धते चिकिद्य ऋषिचोदनः |
इन्द्रं तमच्छा वदु नव्यस्या मृत्यरिष्यन्तं न भोजसे || 3 ||
यस्मा अर्कं सप्तशीर्षाणमानृचुस्त्रिधातुमुत्तमे पदे |
स त्विंशमा विश्वा भुवनानि चिक्रद्दादिङ्गनिष्ट पौंस्यम् || 4 ||
यो नो दाता वसूनामिन्द्रं तं हूमहे व्यम्।विन्वा ह्यस्य सुमतिं नवीयसीं गुमेम् गोमति व्रजे || 5 ||
यस्मै त्वं वसो दानाय शिक्षसि स रायस्पोषमश्रुते |
तं त्वा वयं मघवन्निन्द्र गिर्वणः सुतावन्तो हवामहे || 6 ||
कदा चन स्तरीरसि नेन्द्रं सश्वसि दाशुषे । उपोपेन्नु मघवन्भूय इन्नु ते दानं देवस्य पृच्यते || 7 ||
प्र यो ननुक्षे अभ्योजसा क्रिविं वधैः शुष्णं निघोषयन् |
यदेदस्तम्भीत्प्रथयन्नमूं दिव्मादिङ्गनिष्ट पार्थिवः || 8 ||
यस्यायं विश्व आर्यो दासः शेवधिपा अरिः ।
तिरश्चिदुर्ये रुशमे पवीरवि तुभ्येत्सो अज्यते रयिः || 9 ||
तुरण्यवो मधुमन्तं घृतश्चुतं विप्रासो अर्कमानृचुः |
अस्मे रयिः पप्रथे वृष्ण्यं शवोऽस्मे सुवानासु इन्द्रवः || 10 ||

ऋषिः आयुः काण्वः छन्दः बृहती 1,3,5,7,9, सतोबृहती 2,4,6,8,10 देवता इन्द्रः

यथा मनौ विवस्वति सोमं शक्रार्पिबः सुतम्। यथा त्रिते छन्दं इन्द्र जुजोषस्यायौ मादयसे सचा || 1 ||
पृषध्रे मेध्यं मातरिश्वनीन्द्रं सुवाने अमन्दथाः।यथा सोमं दशशिप्रे दशोण्ये स्यूमरश्मावृजूनसि || 2 ||
य उक्था केवला दुधे यः सोमं धृषितापिबत् |
यस्मै विष्णुस्त्रीणि पदा विचक्रम उप मित्रस्य धर्मभिः || 3 ||
यस्य त्वमिन्द्र स्तोमेषु चाकनो वाजे वाजिच्छतक्रतो |
तं त्वा वयं सुदुधामिव गोदुहो जुहुमसि श्रवस्यवः || 4 ||
यो नो दाता स नः पिता मह्यं उग्र ईशानकृत् |
अयामन्नुगो मघवा पुरुवसुगोरश्वस्य प्र दातु नः || 5 ||
यस्मै त्वं वसो दानाय मंहसे स रायस्पोषमिन्वति |
वसूयवो वसुपतिं शतक्रतुं स्तोमैरिन्द्रं हवामहे || 6 ||
कदा चन प्र युच्छस्युभे नि पासि जन्मनी। तुरीयादित्य हवनं त इन्द्रियमा तस्थावमृतं दिवि || 7 ||

यस्मै त्वं मघवन्निन्द्र गिर्वणः शिक्षो शिक्षसि दाशुषे |
 अस्माकं गिर उत सुष्टुतिं वसो कण्वच्छृणुधी हवम् || 8 ||
 अस्तावि मन्म पूर्व्यं ब्रह्मेन्द्राय वोचत । पूर्वीर्ऋतस्य बृहतीरनूषत स्तोतुर्मैधा असृक्षत || 9 ||
 समिन्द्रो रायो बृहतीरधूनुत सं क्षोणी समु सूर्यम् |
 सं शुक्रासुः शुचयः सं गवाशिरः सोमा इन्द्रममन्दिषुः || 10 ||

| अथ पञ्चमं सूक्तम् |

(8)

53

(म.8, अनु.6)

ऋषिः मेध्यः काण्वः	छन्दः बृहती 1,3,5,7, सतोबृहती 2,4,6,8	देवता इन्द्रः
--------------------	---------------------------------------	---------------

उपमं त्वा मघोनां ज्येष्ठं च वृषभाणाम् । पूर्भित्तमं मघवन्निन्द्र गोविदुमीशानं राय ईमहे || 1 ||
 य आयुं कुत्समतिथिग्वमर्दयो वावृधानो दिवेदिवे |
 तं त्वा वयं हर्यश्वं शतक्रतुं वाजयन्तो हवामहे || 2 ||
 आ नो विश्वेषां रसं मध्वः सिञ्चन्त्वद्रयः । ये परावति सुन्विरे जनेष्वा ये अर्वावतीन्दवः || 3 ||
 विश्वा द्वेषांसि जहि चाव चा कृधि विश्वे सन्वन्त्वा वसु |
 शीष्टेषु चित्ते मदिरासो अंशवो यत्रा सोमस्य तृम्पसि || 4 ||
 इन्द्र नेदीय एदिहि मितमैधाभिरूतिभिः । अ शतम् शतमाभिरुभिष्टिभिरा स्वापे स्वापिभिः || 5 ||
 आजितुरं सत्पतिं विश्वचर्षणिं कृधि प्रजास्वाभगम् |
 प्र सू तिरा शचीभिर्ये तं उक्थिन्ः क्रतुं पुनत आनुषक् || 6 ||
 यस्ते साधिष्ठोऽवसे ते स्याम् भरेषु ते । वयं होत्राभिरूत देवहूतिभिः ससवांसो मनामहे || 7 ||
 अहं हि तै हरिवो ब्रह्म वाजयुराजिं यामि सदोतिभिः |
 त्वामिदेव तममे समश्चयुर्गव्युरग्रे मथीनाम् || 8 ||

| अथ षष्ठं सूक्तम् |

(8)

54

(म.8, अनु.6)

ऋषिः मातरिश्वा काण्वः	छन्दः बृहती 1,3,5,7, सतोबृहती 2,4,6,8	देवता इन्द्रः 1-2,5-8, विश्वे देवाः 3-4
-----------------------	---------------------------------------	---

एतत्त इन्द्र वीर्यं गीर्भिर्गृणन्ति कारवः । ते स्तोभन्त ऊर्जमावन्चृतश्चुतं पौरासो नक्षन्धीतिभिः || 1 ||
 नक्षन्त इन्द्रमवसे सुकृत्यया येषां सुतेषु मन्दसे |
 यथा संवर्ते अमदो यथा कृश एवास्मे इन्द्र मत्स्व || 2 ||
 आ नो विश्वे सजोषसो देवासो गन्तनोष नः |
 वसवो रुद्रा अवसे न आ गमञ्छृण्वन्तु मरुतो हवम् || 3 ||
 पूषा विष्णुर्हवनं मे सरस्वत्यवन्तु सप्त सिन्धवः |
 आपो वातः पर्वतासो वनस्पतिः शृणोतु पृथिवी हवम् || 4 ||
 यदिन्द्र राधो अस्ति ते माघानं मघवत्तम । तेन नो बोधि सधुमाद्यो वृधे भगो दानाय वृत्रहन् || 5 ||
 आजिपते नृपते त्वमिद्धि नो वाज आ वक्षि सुक्रतो |
 वीती होत्राभिरूत देववीतिभिः ससवांसो वि शृण्विरे || 6 ||
 सन्ति ह्यश्र्य आशिष इन्द्र आयुर्जनानाम् । अस्मान्नक्षस्व मघवन्नृपावसे धुक्षस्व पिप्युषीमिषम् || 7 ||

वृयं तं इन्द्र स्तोमैर्भविधेम त्वमस्माकं शतक्रतो ।
महिं स्थूरं शशयं राधो अह्यं प्रस्कण्वायु नि तौशय ॥ 8 ॥

| अथ सप्तमं सूक्तम् ।

(5) **55** (म.8, अनु.6)

ऋषिः कृशः काण्वः छन्दः गायत्री 1-2,4, अनुष्टुप् 3,5 देवता इन्द्रः प्रस्कण्वः च

भूरीदिन्द्रस्य वीर्यं व्यख्यम्भयति । राधस्ते दस्यवे वृक ॥ 1 ॥
शतं श्वेतासं उक्षणो दिवि तारो न रोचन्ते । मृहा दिवं न तस्तभुः ॥ 2 ॥
शतं वेणुञ्छतं शुनः शतं चर्माणि म्लातानि । शतं मे बल्बजस्तुका अरुषीणां चतुःशतम् ॥ 3 ॥
सुदेवाः स्थं काण्वायना वयोवयो विचरन्तः । अश्वसो न चङ्क्रमत ॥ 4 ॥
आदित्साप्तस्य चर्किरन्नानूनस्य महि श्रवः । श्यावीरतिध्वसन्पथश्चक्षुषा च न संनशे ॥ 5 ॥

| अथ अष्टमं सूक्तम् ।

(5) **56** (म.8, अनु.6)

ऋषिः पृषध्नः काण्वः छन्दः गायत्री 1-4, पङ्क्तिः 5 देवता इन्द्रः प्रस्कण्वः च 1-4, अग्निसूर्यो 5

प्रति ते दस्यवे वृक राधो अदुश्यह्यम् । द्यौर्न प्रथिना शवः ॥ 1 ॥
दश मह्यं पौतक्रतः सहस्रा दस्यवे वृकः । नित्याद्वायो अमंहत ॥ 2 ॥
शतं मे गर्दभानां शतमूर्णावतीनाम् । शतं दासाँ अति स्रजः ॥ 3 ॥
तत्रो अपि प्राणीयत पूतक्रतायै व्यक्ता । अश्वानामिन्न यूथ्याम् ॥ 4 ॥
अचेत्यग्निश्चिकितुर्हव्यवाट् स सुमद्रथः ।
अग्निः शुक्रेण शोचिषा बृहत्सुरो अरोचत दिवि सूर्यो अरोचत ॥ 5 ॥

| अथ नवमं सूक्तम् ।

(4) **57** (म.8, अनु.6)

ऋषिः मेध्यः काण्वः छन्दः त्रिष्टुप् देवता अश्विनौ

युवं देवा क्रतुना पूर्व्येण युक्ता रथेन तविषं यजत्रा ।
आगच्छतं नासत्या शचीभिरिदं तृतीयं सर्वनं पिबाथः ॥ 1 ॥
युवां देवास्त्रय एकादशासः सत्याः सत्यस्य ददशे पुरस्तात् ।
अस्माकं यज्ञं सर्वनं जुषाणा पातं सोममश्विना दीर्घग्री ॥ 2 ॥
पनाय्यं तदश्विना कृतं वां वृषभो दिवो रजसः पृथिव्याः ।
सहस्रं शंसा उत ये गविष्टौ सर्वा इत्ताँ उप याता पिबध्यै ॥ 3 ॥
अयं वां भागो निर्हितो यजत्रेमा गिरो नासत्योप यातम् ।
पिबतं सोमं मधुमन्तमस्मे प्र दाश्वानसमवतं शचीभिः ॥ 4 ॥

| अथ दशमं सूक्तम् ।

(3)

58

(म.8, अनु.6)

ऋषिः मेध्यः काण्वः	छन्दः त्रिष्टुप्	देवता विश्वे देवाः ऋत्विजः वा 1, विश्वे देवाः 2-3
--------------------	------------------	---

यमृत्विजो बहुधा कल्पयन्तः सचेतसो यज्ञमिमं वहन्ति |
 यो अनूचानो ब्राह्मणो युक्त आसीत्का स्वित्तत्र यजमानस्य संवित् || 1 ||
 एक एवाग्निर्बहुधा समिद्ध एकः सूर्यो विश्वमनु प्रभूतः |
 एकैवोषाः सर्वमिदं वि भात्येकं वा इदं वि बभूवु सर्वम् || 2 ||
 ज्योतिष्मन्तं केतुमन्तं त्रिचक्रं सुखं रथं सुषदं भूरिवारम् |
 चित्रामघा यस्य योगेऽधिजज्ञे तं वां हुवे अति रिक्तं पिबध्यै || 3 ||
 | अथ एकादशं सूक्तम् |

(7)

59

(म.8, अनु.6)

ऋषिः सुपर्णः काण्वः	छन्दः जगती	देवता इन्द्रावरुणौ
---------------------	------------	--------------------

इमानि वां भागधेयानि सिस्रतु इन्द्रावरुणा प्र महे सुतेषु वाम् |
 यज्ञेयज्ञे ह सर्वना भुरण्यथो यत्सुन्वते यजमानाय शिक्षथः || 1 ||
 निष्विध्वरीरोषधीराप आस्तामिन्द्रावरुणा महिमानमाशत |
 या सिस्रतु रजसः पारे अध्वनो ययोः शत्रुर्नकिरादेव ओहते || 2 ||
 सत्यं तदिन्द्रावरुणा कृशस्यं वां मध्व ऊर्मि दुहते सप्त वाणीः |
 ताभिर्दाश्वांसमवतं शुभस्पती यो वामदब्धो अभि पाति चित्तिभिः || 3 ||
 घृतपुषुः सौम्या जीरदानवः सप्त स्वसारः सदन ऋतस्य |
 या ह वामिन्द्रावरुणा घृतश्रुतस्ताभिर्धत्तं यजमानाय शिक्षतम् || 4 ||
 अवोचाम महते सौभगाय सत्यं त्वेषाभ्यां महिमानमिन्द्रियम् |
 अस्मान्तिस्विन्द्रावरुणा घृतश्रुतस्त्रिभिः साप्तेभिरवतं शुभस्पती || 5 ||
 इन्द्रावरुणा यदृषिभ्यो मनीषां वाचो मतिं श्रुतमदत्तमग्रे |
 यानि स्थानान्यसृजन्तु धीरा यज्ञं तन्वानास्तपसाभ्यपश्यम् || 6 ||
 इन्द्रावरुणा सौमनसमदृप्तं रायस्पोषं यजमानेषु धत्तम् |
 प्रजां पुष्टिं भूतिमुस्मासु धत्तं दीर्घायुत्वायु प्र तिरतं न आयुः || 7 ||
 | इति वालखिल्यम् |

(20)

60

(म.8, अनु.7)

ऋषिः भर्गः प्रागाथः	छन्दः बृहती 1,3,5,7,9,11,13,15,17,19,
सतोबृहती 2,4,6,8,10,12,14,16, 18,20	देवता अग्निः

अग्र आ याह्यग्निभिर्होतारं त्वा वृणीमहे।आ त्वामनक्तु प्रयता हविष्मती यजिष्ठं बर्हिरासदे || 1 ||
 अच्छा हि त्वा सहसः सूनो अङ्गिरः सुचश्चरन्त्यध्वरे |
 ऊर्जो नपातं घृतकेशमीमहेऽग्निं यज्ञेषु पूर्व्यम् || 2 ||

अग्ने कविर्वेधा असि होता पावक यक्ष्यः। मन्द्रो यजिष्ठो अध्वरेष्वीड्यो विप्रेभिः शुक्र मन्मभिः	॥ 3 ॥
अद्रोघमा वंहोशतो यविष्ठ्य देवाँ अजस्र वीतये	
अभि प्रयांसि सुधिता वंसो गहि मन्दस्व धीतिभिर्हितः	॥ 4 ॥
त्वमित्सप्रथा अस्यग्ने त्रातर्ऋतस्कविः। त्वां विप्रांसः समिधान दीदिव आ विवासन्ति वेधसः	॥ 5 ॥
शोचा शोचिष्ठ दीदिहि विशे मयो रास्व स्तोत्रे म्हाँ असि	
देवानां शर्मन्मम सन्तु सूरयः शत्रूषाहः स्वग्रयः	॥ 6 ॥
यथा चिद्वृद्धमत्समग्रै संजूर्वसि क्षमि। एवा दंह मित्रमहो यो अस्मधुग्दुर्मन्मा कश्च वेनेति	॥ 7 ॥
मा नो मर्ताय रिपवे रक्षस्विने माघशांसाय रीरधः	
अस्रैधद्विस्तरणिभिर्यविष्ठ्य शिवेभिः पाहि पायुभिः	॥ 8 ॥
पाहि नो अग्र एकया पाह्युत्त द्वितीयया	
पाहि गीर्भिस्तिसृभिरूर्जा पते पाहि चतसृभिर्वसो	॥ 9 ॥
पाहि विश्वस्माद्रक्षसो अराव्णः प्र स्म वाजेषु नोऽव	
त्वामिद्धि नेदिष्ठं देवतातय आपि नक्षामहे वृधे	॥ 10 ॥
आ नो अग्ने वयोवृधं रयिं पावक शंस्यम्	
रास्वा च न उपमाते पुरुस्पृहं सुनीती स्वयशस्तरम्	॥ 11 ॥
येन वंसाम् पृतनासु शर्धतस्तरन्तो अर्य आदिशः	
स त्वं नो वर्ध प्रयसा शचीवसो जिन्वा धियो वसुविदः	॥ 12 ॥
शिशानो वृषभो यथाग्निः शृङ्गे दविध्वत्	
तिग्मा अस्य हनवो न प्रतिधृषे सुजम्भः सहसो यहुः	॥ 13 ॥
नहि ते अग्ने वृषभ प्रतिधृषे जम्भासो यद्वितिष्ठसे	
स त्वं नो होतुः सुहुतं हविष्कृधि वंस्वा नो वार्या पुरु	॥ 14 ॥
शेषे वनेषु मात्रोः सं त्वा मर्तास इन्धते	
अतन्द्रो हव्या वंहसि हविष्कृत् आदिद्वेषु राजसि	॥ 15 ॥
सप्त होतारस्तमिदीळते त्वाग्रै सुत्यज्महयम्	
भिन्तस्यद्रिं तपसा वि शोचिषा प्राग्रै तिष्ठ जनाँ अति	॥ 16 ॥
अग्निर्मग्निं वो अध्रिगुं हुवेम वृक्तर्बहिषः	
अग्निं हितप्रयसः शश्वतीष्वा होतारं चर्षणीनाम्	॥ 17 ॥
केतेन शर्मन्त्सचते सुषामण्यग्रे तुभ्यं चिकित्वना	
इषण्यया नः पुरुरूपमा भर वाजं नेदिष्ठमूतये	॥ 18 ॥
अग्ने जरितर्विशपतिस्तेपानो देव रक्षसः	
अप्रौषिवानृहपतिर्महाँ असि दिवस्यायुर्दुरोण्युः	॥ 19 ॥
मा नो रक्ष आ वैशीदाघृणीवसो मा यातुर्यातुमावताम्	
परोगव्युत्यनिरामप क्षुधमग्रे सेध रक्षस्विनः	॥ 20 ॥

ऋषिः भर्गः प्रागाथः
शंकुमती 17

छन्दः बृहती 1,3,5,7,9,11,13,15, सतोबृहती 2,4,6,8,10,12,14,16,18,

देवता इन्द्रः

उभयं शृण्वन्न न इन्द्रो अर्वागिदं वचः । सत्राच्यां मघवा सोमपीतये धिया शविष्ठ आ गमत् ॥ 1 ॥
 तं हि स्वराजं वृषभं तमोजसे धिषणे निष्टतक्षतुः ।
 उतोपमानां प्रथमो नि षीदसि सोमकामं हि ते मनः ॥ 2 ॥
 आ वृषस्व पुरूवसो सुतस्येन्द्रान्धसः । विद्वा हि त्वा हरिवः पृत्सु सासहिमधृष्टं चिद्वधृष्वणिम् ॥ 3 ॥
 अप्रामिसत्य मघवन्तथेदसदिन्द्र क्रत्वा यथा वशः ।
 सनेम वाजं तव शिप्रिन्नवसा मक्षू चिद्यन्तो अद्रिवः ॥ 4 ॥
 शग्ध्युर्षु शचीपत् इन्द्र विश्वाभिरूतिभिः । भगं न हि त्वा यशसं वसुविदमनु शूर चरामसि ॥ 5 ॥
 पौरो अश्वस्य पुरुकृद्गवामस्युत्सो देव हिरण्ययः । नकिर्हि दानं परिमर्धिषत्त्वे यद्यद्यामि तदा भर ॥ 6 ॥
 त्वं ह्येहि चेरवे विदा भगं वसुत्तये । उद्रावृषस्व मघवन्नाविष्टय उदिन्द्राश्वमिष्टये ॥ 7 ॥
 त्वं पुरू सहस्राणि शतानि च यूथा दानाय मंहसे । आ पुरंदुरं चकृम् विप्रवचस इन्द्रं गायन्तोऽवसे ॥ 8 ॥
 अविप्रो वा यदविधृद्विप्रो वेन्द्र ते वचः । स प्र ममन्दत्वाया शतक्रतो प्राचामन्यो अहंसन ॥ 9 ॥
 उग्रबाहुर्मक्षकृत्वा पुरंदुरो यदि मे शृणवद्धवम् । वसूयवो वसुपतिं शतक्रतुं स्तोमैरिन्द्रं हवामहे ॥ 10 ॥
 न पापासो मनामहे नारायासो न जल्हवः । यद्विन्द्रं वृषणं सचा सुते सखायं कृणवामहे ॥ 11 ॥
 उग्रं युयुज्म पृतनासु सासहिमृणकातिमदाभ्यम् ।
 वेदा भूमं चित्सनिता रथीतमो वाजिनं यमिदू नशत् ॥ 12 ॥
 यत इन्द्र भयामहे ततो नो अभयं कृधि । मघवञ्छुग्धि तव तत्र ऊतिभिर्वि द्विषो वि मृधो जहि ॥ 13 ॥
 त्वं हि राधस्पते राधसो महः क्षयस्यासि विधुतः ।
 तं त्वा व्यं मघवन्निन्द्र गिर्वणः सुतावन्तो हवामहे ॥ 14 ॥
 इन्द्रः स्पळुत वृत्रहा परस्पा नो वरेण्यः । स नो रक्षिषच्चरमं स मध्यमं स पश्चात्पातु नः पुरः ॥ 15 ॥
 त्वं नः पश्चादधरादुत्तरात्पुर इन्द्र नि पाहि विश्वतः । आरे अस्मत्कृणुहि दैव्यं भयमारे हेतीरदेवीः ॥ 16 ॥
 अद्याद्या श्वःश्व इन्द्र त्रास्व पुरे च नः । विश्वा च नो जरितृन्त्सत्पते अहा दिवा नक्तं च रक्षिषः ॥ 17 ॥
 प्रभृङ्गी शूरो मघवा तुवीमघुः संमिश्लो वीर्यायु कम् ।
 उभा तै बाहू वृषणा शतक्रतो नि या वज्रं मिमिक्षतुः ॥ 18 ॥

ऋषिः प्रागाथः घौरः काण्वः

छन्दः पङ्क्तिः 1-6,10-12, बृहती 7-9

देवता इन्द्रः

प्रो अस्मा उपस्तुतिं भरता यज्जुजोषति ।
 उक्थैरिन्द्रस्य माहिनुं वयो वर्धन्ति सोमिनो भद्रा इन्द्रस्य रातयः ॥ 1 ॥
 अयुजो असमो नृभिरेकः कृष्टीरयास्यः ।
 पूर्वीरति प्र वावृधे विश्वा जातान्योजसा भद्रा इन्द्रस्य रातयः ॥ 2 ॥
 अहितेन चिदर्वता जीरदानुः सिषासति ।
 प्रवाच्यमिन्द्र तत्तव वीर्याणि करिष्यतो भद्रा इन्द्रस्य रातयः ॥ 3 ॥

आ याहि कृणवाम त इन्द्र ब्रह्माणि वर्धना	
येभिः शविष्ठ चाकनो भद्रमिह श्रवस्यते भद्रा इन्द्रस्य रातयः	॥ 4 ॥
धृषतश्चिद्धृषन्मनः कृणोषीन्द्र यत्त्वम्	
तीत्रैः सोमैः सपर्यतो नमोभिः प्रतिभूषतो भद्रा इन्द्रस्य रातयः	॥ 5 ॥
अव चष्ट ऋचीषमोऽव्ताँइव् मानुषः	
जुष्टी दक्षस्य सोमिनः सखायं कृणुते युजं भद्रा इन्द्रस्य रातयः	॥ 6 ॥
विश्वे त इन्द्र वीर्यं देवा अनु क्रतुं ददुः	
भुवो विश्वस्य गोपतिः पुरुष्टुत भद्रा इन्द्रस्य रातयः	॥ 7 ॥
गृणे तदिन्द्र ते शव उपमं देवतातये	
यद्धंसि वृत्रमोजसा शचीपते भद्रा इन्द्रस्य रातयः	॥ 8 ॥
समनेव वपुष्यतः कृणवन्मानुषा युगा	
विदे तदिन्द्रश्चेतनुमर्धं श्रुतो भद्रा इन्द्रस्य रातयः	॥ 9 ॥
उञ्जातमिन्द्र ते शव उत्वामुत्तव क्रतुम्	
भूरिगो भूरि वावृधुर्मघवन्तव शर्माणि भद्रा इन्द्रस्य रातयः	॥ 10 ॥
अहं च त्वं च वृत्रहन्त्सं युज्याव सनिभ्य आ	
अरातीवा चिदद्विवोऽनु नौ शूर मंसते भद्रा इन्द्रस्य रातयः	॥ 11 ॥
सत्यमिद्रा उ तं व्यमिन्द्रं स्तवाम् नानृतम्	
महाँ असुन्वतो वृधो भूरि ज्योतीषि सुन्वतो भद्रा इन्द्रस्य रातयः	॥ 12 ॥

(12)

63

(म.8, अनु.7)

ऋषिः प्रगाथः काण्वः

छन्दः अनुष्टुप् 1,4-5,7, गायत्री 2-3,6,8-11, त्रिष्टुप् 12

देवता इन्द्रः 1-11, देवाः 12

स पूर्व्यो महानां वेनः क्रतुभिरानजे	यस्य द्वारा मनुषिता देवेषु धियं आनुजे	॥ 1 ॥
दिवो मानं नोत्सदन्त्सोमपृष्ठासो अद्रयः	उक्था ब्रह्म च शंस्या	॥ 2 ॥
स विद्वाँ अङ्गिरोभ्य इन्द्रो गा अवृणोदपं	स्तुषे तदस्य पौंस्यम्	॥ 3 ॥
स प्रत्नथा कविवृध इन्द्रो वाकस्य वृक्षणिः	शिवो अर्कस्य होमन्यस्मत्रा गन्त्ववसे	॥ 4 ॥
आदू नु ते अनु क्रतुं स्वाहा वरस्य यज्यवः	श्वात्रमर्का अनूषतेन्द्र गोत्रस्य द्वावने	॥ 5 ॥
इन्द्रे विश्वानि वीर्या कृतानि कर्त्वानि च	यमर्का अध्वरं विदुः	॥ 6 ॥
यत्पाञ्चजन्यया विशेन्द्रे घोषा असृक्षत	अस्तृणाद्ब्रह्मणा विपोर्यो मानस्य स क्षयः	॥ 7 ॥
इयमुं ते अनुष्टुतिश्चकृषे तानि पौंस्या	प्रावश्चक्रस्य वर्तनिम्	॥ 8 ॥
अस्य वृष्णो व्योदन उरु क्रमिष्ट जीवसे	यवं न पृश्च आ ददे	॥ 9 ॥
तद्धाना अवस्यवो युष्माभिर्दक्षपितरः	स्याम मरुत्वतो वृधे	॥ 10 ॥
बळृत्वियाय धाम् ऋक्केभिः शूर नोनुमः	जेषामेन्द्र त्वया युजा	॥ 11 ॥
अस्मे रुद्रा मेहना पर्वतासो वृत्रहत्ये भरहूतौ सजोषाः		
यः शंसते स्तुवते धारिं पञ्च इन्द्रज्येष्ठा अस्माँ अवन्तु देवाः		॥ 12 ॥

(12)

64

(म.8, अनु.7)

ऋषिः प्रगाथः काण्वः	छन्दः गायत्री	देवता इन्द्रः
उत्वा मन्दन्तु स्तोमाः कृणुष्व राधो अद्रिवः	अव ब्रह्मद्विषो जहि	॥ 1 ॥
पदा पर्णारराधसो नि बाधस्व महां असि	नहि त्वा कश्चन प्रति	॥ 2 ॥
त्वमीशिषे सुतानामिन्द्र त्वमसुतानाम्	त्वं राजा जनानाम्	॥ 3 ॥
एहि प्रेहि क्षयो दिव्याग्घोषञ्चर्षणीनाम्	ओभे पृणासि रोदसी	॥ 4 ॥
त्यं चित्पर्वतं गिरिं शतवन्तं सहस्रिणाम्	वि स्तोतृभ्यो रुरोजिथ	॥ 5 ॥
व्यमु त्वा दिवा सुते व्यं नक्तं हवामहे	अस्माकं काममा पृण	॥ 6 ॥
क्वस्य वृषभो युवा तुविग्रीवो अनानतः	ब्रह्मा कस्तं संपर्यति	॥ 7 ॥
कस्य स्वित्सर्वन् वृषा जुजुष्वं अव गच्छति	इन्द्रं क उं स्विदा चके	॥ 8 ॥
कं ते दाना असक्षत वृत्रहन्कं सुवीर्या	उक्थे क उं स्विदन्तमः	॥ 9 ॥
अयं ते मानुषे जने सोमः पूरुषु सूयते	तस्येहि प्र द्रवा पिब	॥ 10 ॥
अयं ते शर्यणावति सुषोमायामधि प्रियः	आर्जीकीये मदिन्तमः	॥ 11 ॥
तमद्य राधसे महे चारुं मदायु घृष्वये	एहीमिन्द्र द्रवा पिब	॥ 12 ॥

(12)

65

(म.8, अनु.7)

ऋषिः प्रगाथः काण्वः	छन्दः गायत्री	देवता इन्द्रः
यदिन्द्र प्रागपागुदुङ्गवा ह्यसे नृभिः	आ याहि तूर्यमाशुभिः	॥ 1 ॥
यद्वा प्रस्रवणे दिवो मादयासे स्वर्णरे	यद्वा समुद्रे अन्धसः	॥ 2 ॥
आ त्वा गीर्भिर्महामुरुं हुवे गार्मिव भोजसे	इन्द्र सोमस्य पीतये	॥ 3 ॥
आ तं इन्द्र महिमानं हरयो देव ते महः	रथे वहन्तु बिभ्रतः	॥ 4 ॥
इन्द्रं गृणीष उं स्तुषे महां उग्र ईशानकृत्	एहि नः सुतं पिब	॥ 5 ॥
सुतावन्तस्त्वा व्यं प्रयस्वन्तो हवामहे	इदं नो बहिरासदे	॥ 6 ॥
यच्चिद्धि शश्वतामसीन्द्र साधारणस्त्वम्	तं त्वा व्यं हवामहे	॥ 7 ॥
इदं ते सोम्यं मध्वधुक्षत्रद्रिभिर्नरः	जुषाण इन्द्र तत्पिब	॥ 8 ॥
विश्वो अयो विपश्चितोऽति ख्यस्तूयमा गहि	अस्मे धेहि श्रवो बृहत्	॥ 9 ॥
दाता मे पृषतीनां राजा हिरण्यवीनाम्	मा देवा मघवा रिषत्	॥ 10 ॥
सहस्रे पृषतीनामधि श्वन्द्रं बृहत्पृथु	शुकं हिरण्यमा ददे	॥ 11 ॥
नपातो दुर्गहस्य मे सहस्रेण सुरार्धसः	श्रवो देवेष्वक्रत	॥ 12 ॥

(15)

66

(म.8, अनु.7)

ऋषिः कलिः प्रागाथः छन्दः बृहती 1,3,5,7,9,11,13, सतोबृहती 2,4,6,8,10,12,14, अनुष्टुप् 15 देवता इन्द्रः

तरोभिर्वो विद्वसुमिन्द्रं सबाधं ऊतये। बृहद्गायन्तः सुतसोमे अध्वरे हुवे भरुं न कारिणाम् ॥1 ॥
न यं दुध्रा वरन्ते न स्थिरा मुरो मदे सुशिप्रमन्धसः |

य आदृत्या शशमानाय सुन्वते दाता जरित्र उक्थ्यम्	॥ 2 ॥
यः शक्रो मृक्षो अश्व्यो यो वा कीजो हिरण्ययः	
स ऊर्वस्य रेजयत्यपावृत्तिमिन्द्रो गव्यस्य वृत्रहा	॥ 3 ॥
निखातं चिद्यः पुरुसंभृतं वसूदिव्रपति दाशुषे	
वृज्री सुशिप्रो हर्यश्व इत्करदिन्द्रः क्रत्वा यथा वशत्	॥ 4 ॥
यद्वावन्थ पुरुष्टुत पुरा चिच्छूर नृणाम्	
वयं तत्त इन्द्र सं भरामसि यज्ञमुक्थं तुरं वचः	॥ 5 ॥
सचा सोमेषु पुरुहूत वज्रिवो मदाय द्युक्ष सोमपाः	
त्वमिद्धि ब्रह्मकृते काम्यं वसु देष्टः सुन्वते भुवः	॥ 6 ॥
व्यमेनमिदा ह्योऽपीपेमेह वज्रिणम्	
तस्मा उ अद्य समना सुतं भ्रा नूनं भूषत श्रुते	॥ 7 ॥
वृकश्चिदस्य वारुण उरामथिरा व्युनेषु भूषति	
सेमं नः स्तोमं जुजुषाण आ गृहीन्द्र प्र चित्रया धिया	॥ 8 ॥
कदू न्वस्यार्कृत्मिन्द्रस्यास्ति पौंस्यम्	
केनो नु कं श्रोमतेन न शुश्रुवे जनुषः परि वृत्रहा	॥ 9 ॥
कदू महीरधृष्टा अस्य तविषीः कदु वृत्रघ्नो अस्तृतम्	
इन्द्रो विश्वान्बेकनाटाँ अहर्दश उत क्रत्वा पणौरभि	॥ 10 ॥
वयं घा ते अपूर्व्येन्द्र ब्रह्माणि वृत्रहन्	
पुरुतमासः पुरुहूत वज्रिवो भृतिं न प्र भरामसि	॥ 11 ॥
पूर्वीश्चिद्धि त्वे तुविकूर्मिन्नाशसो हवन्त इन्द्रोतयः	
तिरश्चिदयः सवना वसो गहि शविष्ठ श्रुधि मे हवम्	॥ 12 ॥
वयं घा ते त्वे इद्धिन्द्र विप्रा अपि ष्मसि	
नहि त्वदन्यः पुरुहूत कश्चन मघवन्नस्ति मडिता	॥ 13 ॥
त्वं नो अस्या अमतेरुत क्षुधोऽभिशास्तेरव स्पृधि	
त्वं न ऊती तव चित्रया धिया शिक्षा शचिष्ठ गातुवित्	॥ 14 ॥
सोम इद्वः सुतो अस्तु कलयो मा बिभीतन	
अपेदेष ध्वस्मार्यति स्वयं घेषो अपायति	॥ 15 ॥

(21)

67

(म.8, अनु.7)

ऋषिः मत्स्यः सांमदः, मान्यः मैत्रावरुणिः, बहवः वा मत्स्याः जालनद्धाः छन्दः गायत्री देवता आदित्याः

त्यान्नु क्षत्रियाँ अव आदित्यान्याचिषामहे	सुमृळीकाँ अभिष्टये	॥ 1 ॥
मित्रो नो अत्यंहति वरुणः पर्षदर्यमा	आदित्यासो यथा विदुः	॥ 2 ॥
तेषां हि चित्रमुक्थ्यं वरुथमस्ति दाशुषे	आदित्यानामरुक्तै	॥ 3 ॥
महि वो महतामवो वरुण मित्रार्यमन्	अवास्या वृणीमहे	॥ 4 ॥

जीवान्नो अ॒भि धे॑तुनादित्यासः पुरा हथात्	क॒द्ध स्थ ह॒वनश्रुतः	॥ 5 ॥
यद्धः श्रान्ताय॑ सुन्वते वरूथमस्ति यच्छर्दिः	तेना॑ नो अधि॑ वोचत	॥ 6 ॥
अस्ति॑ देवा अ॒होरु॑र्वस्ति॒ रत्न॑मनांगसः	आ॒दित्या॑ अ॒द्भुतै॑नसः	॥ 7 ॥
मा नः॑ सेतुः सिषेद॑यं म॒हे वृ॑णक्तु न॒स्परि॑	इन्द्र॑ इद्धि॒ श्रुतो॑ व॒शी	॥ 8 ॥
मा नो॑ मृ॒चा रि॑पूणां वृजि॒नाना॑मविष्यवः	देवा॑ अ॒भि प्र॑ मृक्षत	॥ 9 ॥
उत॑ त्वाम॑दिते म॒ह्यहं॑ दे॒व्युप॑ ब्रुवे	सु॒मृ॒ळीका॑म॒भिष्ट॑ये	॥ 10 ॥
पर्षि॑ दीने ग॒भीर॑ आँ उग्र॑पुत्रे जिघाँसतः	मा॒कि॒स्तोक॑स्य॒ नो रि॑षत्	॥ 11 ॥
अ॒नेहो॑ न उरु॒व्रज॑ उरू॒चि वि॑ प्रस॑र्तवे	कृ॒धि तो॑काय॒ जीव॑से	॥ 12 ॥
ये मूर्धानः॑ क्षिती॒नाम॑द॒ब्धासः॑ स्वय॑शसः	व्र॒ता र॑क्षन्ते अ॒द्भुहः॑	॥ 13 ॥
ते न॑ आ॒स्रो वृ॑का॒णामा॑दित्यासो मुमोच॑त	स्ते॒नं ब॒द्धमि॑वादिते	॥ 14 ॥
अपो॑ षु ण॒ इयं॑ शरू॒रादि॑त्या अप॑ दुर्मतिः	अ॒स्मदे॑त्वज॒घ्नुषी॑	॥ 15 ॥
शश्व॑द्धि॒ वः सु॑दानव॒ आदि॑त्या ऊ॒तिभि॑र्वयम्	पु॒रा नूनं॑ बु॒भुज्महे॑	॥ 16 ॥
शश्व॑न्तं हि प्र॒चेत॑सः प्र॒तिय॑न्तं चि॒देन॑सः	दे॒वाः कृ॑णुथ॒ जीव॑से	॥ 17 ॥
तत्सु॑ नो न॒व्यं स॒न्यसु॑ आ॒दि॒त्या य॒न्मुमो॑चति	ब॒न्धाद्ब॒द्धमि॑वादिते	॥ 18 ॥
नास्मा॑कमस्ति॒ तत्त॒र आ॑दि॒त्यासो॑ अति॒ष्कदे॑	यू॒यम॑स्म॒भ्यं मृ॑ळत	॥ 19 ॥
मा नो॑ हे॒तिर्वि॑वस्वत् आ॒दि॒त्याः कृ॒त्रिमा॑ शरुः	पु॒रा नु॑ ज॒रसो॑ वधीत्	॥ 20 ॥
वि षु॑ द्वेषो व्य॑ह॒तिमा॑दित्यासो वि सं॒हित॑म्	वि॒ष्व॒ग्वि वृ॑हता॒ रपः॑	॥ 21 ॥

| इति षष्ठाष्टके चतुर्थोऽध्यायः समाप्तः ।